

## Izveštaj o radu Uprave policije MUP-a Kantona Sarajevo za mjesec januar 2020. godine

### KRIMINALITET

#### STATISTIČKI POKAZATELJI

U mjesecu januaru 2020. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovano je 417 događaja sa obilježjem krivičnog djela (što je 105 ili 33,7% više u odnosu na isti mjesec prethodne godine).

Od ukupnog broja registrovanih događaja sa obilježjem krivičnog djela, 179 ili 42,9% je evidentirano po poznatom izvršiocu, a 238 ili 57,1% po nepoznatom izvršiocu.

Od ukupno 238 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 59 ili 24,8% (što je za 6,8% manje u odnosu na uporedni mjesec) od čega je 31 evidentiran u mjesecu januaru, a 28 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 251 obavijest (16 više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA  
U MJESECU JANUARU 2020/19. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
<b>JANUAR 2020. GODINE</b>	<b>417</b>	<b>179</b>	<b>238</b>	<b>59</b>	<b>28</b>	<b>207</b>	<b>6</b>	<b>114</b>	<b>81</b>
JANUAR 2019. GODINE	312	154	158	50	10	206	7	123	99
<i>uporedba</i>	<i>105</i>	<i>25</i>	<i>80</i>	<i>9</i>	<i>18</i>	<i>1</i>	<i>-1</i>	<i>-9</i>	<i>-18</i>
	<i>33,7%</i>	<i>16,2%</i>	<i>50,6%</i>	<i>180%</i>	<i>180%</i>	<i>0,5%</i>	<i>-14,3%</i>	<i>-7,3%</i>	<i>-18,2%</i>

U toku mjeseca januara ove godine prijavljeno je 207 lica (jedno više), 114 povratnika (devet manje) (ili 55,1% od ukupnog broja prijavljenih lica), šest maloljetnika (jedan manje), a 81-no lice je lišeno slobode (18 manje).

Za događaje sa obilježjem krivičnog djela, koji su evidentirani u mjesecu januaru 2020. godine, prema izjavama oštećenih lica, nastupila je materijalna šteta u ukupnom iznosu od 447.199,99 KM i 3.400 €.

KZ FBiH-a i KZ BiH-a	JANUAR 2020. GODINE	JAN UAR 2019.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvjetljenih događaja	
			+ / -	%			broj	%
Protiv života i tijela	15	16	-1	-6,3%	14	1	3	300%
Protiv slobode i prava čovjeka i građanina	20	10	10	100%	19	1	1	100%
Protiv spolne slobode i morala	4	1	3	300%	3	1	1	100%
Protiv braka, porodice i mladeži	13	25	-12	-48%	13	0	0	---
Protiv zdravlja ljudi	42	39	3	7,7%	42	0	0	---
Protiv imovine	270	184	86	46,7%	41	229	52	22,7%
Protiv okoliša	1	0	1	---	0	1	0	0,0%
Protiv opće sigurnosti ljudi i imovine	5	9	-4	-44,4%	3	2	0	0,0%
Protiv sigurnosti javnog prometa	6	6	0	isto	6	0	0	---
Protiv pravosuđa	0	3	-3	---	0	0	0	---
Protiv javnog reda i pravnog prometa	30	13	17	130,8%	27	3	2	66,7%
Protiv podmićivanja i kd protiv služb. i dr...	7	0	7	---	7	0	0	---
Protiv privrede i jedinstva tržišta te KD iz oblasti carina (KZBiH)	0	1	-1	---	0	0	0	---
ZONDINOIM-a (Sl.novine KS br.01/18)	4	5	-1	-20%	4	0	0	---
UKUPNO	417	312	105	33,7%	179	238	59	24,8%

U mjesecu januaru 2020. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 105 ili 33,7%. Povećanje je zabilježeno u oblastima protiv imovine (za 86 događaja), javnog reda i pravnog prometa (za 17), slobode i prava čovjeka i građanina (za deset), itd., dok je najznačajnije smanjenje evidentirano u oblasti protiv braka, porodice i mladeži (za 12 događaja).

## PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

### 1.2.1. PROTIV ŽIVOTA I TIJELA

Tokom januara 2020. godine evidentirano je 15 događaja sa obilježjem krivičnog djela iz oblasti protiv života i tijela (jedan manje u odnosu na januar 2019. godine) i to 14 po poznatom i jedan po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) - dva (nije bilo ovih događaja),
- teška tjelesna ozljeda (član 172. KZ FBiH) – tri (tri manje),
- lahka tjelesna ozljeda (član 173. KZ FBiH) – devet (isti broj)
- učestvovanje u tuči – jedan događaj (isto).

Nadležnom tužilaštvu podneseni su službeni izvještaji protiv 16 lica, od koji je sedam povratnika ili 43,8%, a pet je lišeno slobode.

### PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 20 događaja sa obilježjem krivičnog djela (deset više) i to: ugrožavanje sigurnosti – 18, protupravno lišenje slobode i narušavanje nepovredivosti doma - po jedan, za čije je izvršenje evidentirano 17 lica, od kojih je 10 povratnika (ili 58,9%), a četiri su lišena slobode.

Događaji sa obilježjem krivičnog djela ugrožavanja sigurnosti u kojima su izvršiocu upućivanjem verbalnih prijetnji, pisanih - prijetećih poruka i sl. ugrozili sigurnost oštećenih lica.

### PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu januaru evidentirano je 13 događaja sa obilježjem krivičnog djela (12 manje) i to - nasilje u porodici, za čije izvršenje je prijavljeno 13 lica, od kojih je 10 povratnika (ili 76,9%), a deset lica je lišeno slobode.

PROTIV ZDRAVLJA LJUDI

Evidentirana su 42 događaja sa obilježjem krivičnog djela iz oblasti protiv zdravlja ljudi (tri više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 40.

Nadležnom tužilaštvu podneseni su službeni izvještaji protiv 44 lica, među kojima su 23 povratnika (ili 52,3%), a 19 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv tri lica, zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin", „Hašiš“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), a protiv 41 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

PREGLED ODUZETE KOLIČINE OPOJNIH DROGA U MJESECU JANUARU 2020/19. GODINE

vrsta opojne droge	JANUAR 2020. godine	JANUAR 2019. godine
Marihuana (u gramima)	1.090	120.794
Marihuana (paketići)	9	14
Marihuana (JOINT - cigarete)	1	---
Heroin (paketići)	---	7
Hašiš (paketići)	1	---
Amfetamin - (paketići)	2	2
Amfetamin - (u gramima)	25	342
Cannabis (stabljike)	155	---
pribor sa ostacima droge	2	5

PROTIV IMOVINE

U ovom mjesecu, evidentirano je 270 događaja sa obilježjem krivičnog djela protiv imovine (41 po poznatom i 229 po nepoznatom izvršiocu) što je za 86 ili 46,7% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 142 (48 više),
- krađa (član 286. KZ FBiH) – 61 (40 više),
- razbojništvo (član 289. KZ FBiH) – 35 (deset manje),
- oštećenje tuđe stvari (član 293. KZ FBiH) – 13 (isto),
- utaja (član 290. KZ FBiH) - pet (tri više), itd.

Nadležnom tužilaštvu podneseni su službeni izvještaji protiv 58 lica, od kojih je 37 povratnika (ili 63,8%), a 29 je lišeno slobode.

Od ukupno 229 događaja evidentiranih po nepoznatom izvršiocu iz oblasti protiv imovine naknadno su rasvijetljena 52 ili 22,7% što je za 7% manje u odnosu na januaru 2019. godine.

Tokom mjeseca januara ove godine, prema objektima izvršenja teških krađa, 53 su izvršene u stambene objekte (25 više u odnosu na uporedni mjesec), 30 u motorna vozila (otuđenja motornih vozila i "provale" u ista) (pet više), 19 u poslovne prostorije (11 manje), itd.

Takođe, evidentirano je 11 otuđenja motornih vozila od čega je 13 ili 118,2% pronađeno i vraćeno vlasnicima (MUP-a KS-a – sedam, MUP RS-a i drugi MUP-ovi po jedno i vlasnici su pronašli – četiri vozila). Od ukupnog broja pronađenih vozila sedam je otuđeno u ranijem periodu.

Broj otuđenih motornih vozila, u odnosu na uporedni mjesec, smanjen je za šest ili 35,3%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv jednog lica (pet manje).

Evidentiran je 61 događaj sa obilježjem krivičnog djela krađe (40 više) i to u vozilima i na stajalištima GRAS-a - 21, poslovnim prostorijama – 14 puta, na ulici - 12, u stambenim objektima - devet, itd. odakle su otuđivani novčanici, mobiteli, prehrambeni proizvodi, građevinski materijal, auto-dijelovi, itd.

Evidentirano je 19 događaja sa obilježjem krivičnog djela teških krađa na naročito opasan ili naročito drzak način (13 više), u kojima su izvršiooci, upotrebom fizičke snage (otimanjem i trganjem) - 15 puta i verbalnom prijetnjom u četiri slučaja, otimali mobitele, novac i tašne, a evidentirani su: 15 puta na ulici, dva u tramvaju i po jednom u apoteci i sportskoj kladionici. Nadležnom tužilaštvu podneseni su službeni izvještaji protiv jednog lica povratnika u činjenju krivičnih djela.

U mjesecu januaru ove godine evidentirano je 35 događaja sa obilježjem krivičnog djela razbojništva (deset manje). Nadležnom tužilaštvu podneseni su službeni izvještaji protiv četiri lica, od kojih su dva povratnika, a tri lica su lišena slobode.

Od ukupno 34 događaja razbojništva evidentiranih po nepoznatom izvršioocu, naknadno su rasvijetljena tri ili 8,8% (što je za 14,3% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - 14 puta, prijetnjom upotrebe noža ili drugog oštrog predmeta – 11 i upotrebom fizičke snage – deset puta, a počinjena su na ulici – 12 puta, u poslovnim prostorijama – deset, sportskim kladionicama - sedam, u apoteci – četiri i u stambenim objektima – dva puta. Otuđivan je novac, mobiteli, nakit, lijekovi, cigarete, jedno pmv, itd.

#### PROTIV OPĆE SIGURNOSTI LJUDI I IMOVINE

Iz ove oblasti evidentirano je pet događaja (četiri manje) - izazivanje opće opasnosti – četiri i nesavjesno čuvanje pasa ili drugih opasnih životinja – jedan događaj, a nadležnom tužilaštvu podneseni službeni izvještaji protiv tri lica.

Događaji sa obilježjem krivičnog djela izazivanje opće opasnosti izvršeni su na otvorenom prostoru, pri čemu je u dva slučaja upotrijebljeno vatreno oružje, zatim otvorenim plamenom izazvan požar i u jednom slučaju je na balkon stana bačena nepoznata eksplozivna naprava koja nije eksplodirala. Posljedica izvršenja navedenih događaja je nastala materijalna šteta i uznemirenost građana.

#### PROTIV JAVNOG REDA I PRAVNOG PROMETA

U ovoj oblasti evidentirano je 30 događaja sa obilježjem krivičnog djela (17 više) i to: krivotvorenje isprave – 13, nasilničko ponašanje - osam, nedozvoljeno držanje oružja ili eksplozivnih materija – šest, napad na službenu osobu u vršenju poslova sigurnosti, sprječavanje službene osobe u vršenju službene radnje i skidanje ili povreda službenog pečata ili znaka - po jedan.

Nadležnom tužilaštvu podneseni su službeni izvještaji protiv 33 lica od kojih je 16 povratnika (ili 48,5%), a osam je lišeno slobode.

## DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu januaru 2020. godine evidentirano je sedam događaja sa obilježjem krivičnog djela, u kojima je učestvovalo šest maloljetnih lica. U odnosu na isti mjesec 2019. godine povećan je broj događaja sa obilježjem krivičnog djela za tri ili 42,8%, a broj maloljetnih lica smanjen je za jedan ili 14,3%.

### STAROSNA DOB MALOLJETNIH LICA JANUAR 2020/2019. GODINU

MJESEC	od 14 do 16 god.	od 16 do 18 god.	ukupno
januar 2020. godina	3	3	6
januar 2019. godina	4	3	7

Među prijavljenim maloljetnim licima, tri su u dobi do 16 godina i tri u dobi između 16 i 18 godina, a dva maloljetnika su povratnici.

### STRUKTURA DOGAĐAJA SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA U MJESECU JANUARU 2020/2019. GODINE

KRIVIČNA DJELA	januar 2020.	januar 2019.
Ubistvo u pokušaju	1	---
Teška tjelesna ozljeda	---	1
Učestvovanje u tuči	1	---
Ugrožavanje sigurnosti	---	1
Posjedovanje i omogućavanje uživanja opojnih droga	1	---
Krađa	1	1
Teška krađa	1	---
Razbojništvo u pokušaju	1	---
Nasilničko ponašanje	1	1
UKUPNO	7	4

## OSTALA PROTIVPRAVNA I ASOCIJALNA PONAŠANJA

### AKTIVIRANJE MINSKO-EKSPLOZIVNIH SREDSTAVA

U toku mjeseca januara 2020. godine nije bilo evidentiranih slučajeva aktiviranja minsko-eksplozivnih sredstava (u januaru 2019. godine jedan).

Takođe, evidentirane su tri anonimne dojave o postavljenoj eksplozivnoj napravi (nije bilo u januaru 2019. godine), a odnosile su se na Arhitektonski fakultet, Kantonalni sud i prodavnicu Fis Vitez. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih slučajeva i pronalaženju učinilaca.

### POŽARI

Tokom mjeseca januara 2020. godine, na području Kantona Sarajevo registrovano je 25 požara (sedam više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, 15 požara je izazvano nehatom, četiri zbog tehničkih nedostataka, tri namjerno, dok uzroci tri požara spadaju u kategoriju ostalih.

Požari su registrovani u:

- Stambenim objektima – 11 puta,
- Saobraćajnom sredstvu – šest,
- Pomoćnom objektu – dva,
- Poslovnom prostoru – dva,
- Ostalim objektima – četiri puta.

#### SAMOUBISTVA

U mjesecu januaru 2020. godine na području Kantona Sarajevo registrovana su tri samoubistva (jedno više u odnosu na januar prošle godine) koja su izvršena: vješanjem, skakanjem sa visine i upotrebom sjekire – po jednom. Samoubistva su izvršila tri muškarca starosti: 36, 75 i 90 godina.

#### OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je pet pištolja, tri podobna predmeta za nanošenje tjelesnih ozljeda i sedam komada municije raznog kalibra. Tokom mjeseca januara ove godine fizičkim licima izdato je 61-no odobrenje za nabavku vatrenog oružja i 75 oružnih listova.

#### JAVNI RED I MIR

U toku mjeseca januara 2020. godine u oblasti protiv javnog reda i mira evidentirana su 264 prekršaja (pet ili 1,8% manje u odnosu na isti mjesec 2019. godine), a za izvršenje navedenih prekršaja prijavljena su 294 lica (jedan ili 0,3% više).

Zbog učinjenih prekršaja u oblasti protiv javnog reda i mira izdata su 193 naloga i podnesen je 71 zahtjev za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 239 prekršaja (ili 90,5%), a na prekršaje koji su utvrđeni Odlukom općinskih vijeća o javnom redu i miru 25 ili 9,5%.

Od ukupnog broja prijavljenih lica, 45 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (178), između 26 i 35 godina (79) i između 19 i 25 godina (37).

Prilikom narušavanja javnog reda i mira u mjesecu januaru 2020. godine, nije bilo teže povrijeđenih lica (kao ni u istom mjesecu 2019. godine), dok je pet lica (dva manje) lakše povrijeđeno.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA  
JANUAR 2020/2019.GODINA

PREKRŠAJI IZ ZAKONA O JRIM:	JANUAR 2020.	JANUAR 2019.	+ - %
<i>-Tuče</i>	18	29	-11 ili 37,9%
<i>-Naročito drsko ponašanje</i>	49	20	+29 ili 145%
<i>-Odbijanje naredjenja i omalovaž. pol. služb.</i>	22	24	-2 ili 8,3%
<i>-Prosjačenje</i>	92	115	-23 ili 20%
<i>-Svađa, vika, nepristojno ponašanje</i>	13	10	+3 ili 30%
<i>-Paljenje petardi</i>	3	8	-5 ili 62,5%
<i>-Uživanje opojne droge na javnom mjestu</i>	7	0	+7
<i>-Ostali prekršaji iz Zakona o JRiM</i>	35	36	-1 ili 2,8%
Prekršaji prema Odluci općinskog vijeća o JRiM	25	27	-2 ili 7,4%
ukupno	264	269	-5 ili 1,8%

Prema vrsti prekršaja, najbrojniji su sljedeći prekršaji: prosjačenje (92 ili 34,8% od ukupnog broja), naročito drsko ponašanje (49 ili 18,6%), odbijanje naređenja i omalovažavanje policijskih službenika (22 ili 8,3%), tuče (18 ili 6,8%), svađa, vika, nepristojno ponašanje (13 ili 4,9%), uživanje opojne droge na javnom mjestu (sedam ili 2,6) i paljenje petardi (tri ili 1,1%). Takođe, evidentirano je 35 prekršaja iz kategorije ostali prekršaji i 25 prekršaja koji su regulisani Odlukom općinskih vijeća.

U odnosu na isti mjesec 2019. godine povećan je broj prekršaja učinjenih naročito drskim ponašanjem, svađom, vikom, nepristojnim ponašanjem i uživanjem opojne droge na javnom mjestu, dok je broj ostalih prekršaja smanjen.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (229 ili 86,7%), a znatno manje u ugostiteljskim objektima (13 ili 4,9%), u školama i školskim dvorištima (četiri), vozilima javnog saobraćaja i trgovinskim i zanatskim radnjama (po jedan), a na ostalim mjestima 16 prekršaja.

TABELARNI PREGLED STRUKTURE PREKRŠAJA IZ OBLASTI JAVNOG REDA I MIRA PREMA MJESTU IZVRŠENJA ZA MJESEC JANUAR 2020/2019. GODINE

MJESTO IZVRŠENJA	JANUAR 2020.	JANUAR 2019.	+ - %
Ugostiteljski objekti	13	11	+2 ili 18,2%
Ulice i drugi otvoreni prostori	229	241	-12 ili 5%
Sportski stadioni i dvorane	0	1	-1
Vozila javnog saobraćaja	1	0	+1
Škole i školska dvorišta	4	0	+4
Trgovine i zanatske radnje	1	0	+1
Ostala mjesta	16	16	isti broj
UKUPNO	264	269	-5 ili 1,8%

U odnosu na isti mjesec 2019. godine, povećan je broj prekršaja evidentiranih u ugostiteljskim objektima, vozilima javnog saobraćaja, školama i školskim dvorištima i u trgovinama i zanatskim radnjama, a smanjen je broj prekršaja na ulici i drugim otvorenim prostorima, sportskim stadionima i dvoranama, dok je na ostalim mjestima isti broj kao i u januaru 2019. godine.

Na području Kantona Sarajevo u mjesecu januaru 2020. godine održana su 163 javna skupa (65 ili 66,3% više u odnosu na mjesec januar 2019. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 29 slučajeva izvršeno je KDZ osiguranje.

## SAOBRAĆAJ

Na području Kantona Sarajevo u mjesecu januaru 2020. godine u odnosu na isti mjesec prethodne godine povećan je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica.

Registrovane su 774 saobraćajne nezgode (52 ili 7,2 % više u odnosu na mjesec januar prethodne godine), od čega je 715 sa materijalnom štetom (45 ili 6,7 % više) i 59 sa nastradalim licima (sedam ili 13,5 % više).

Tokom mjeseca januara 2020. godine u saobraćajnim nezgodama na području Kantona Sarajevo 79 lica je povrijeđeno (osam ili 11,3 % više), od čega osam teže i 71. lakše. U navedenim nezgodama nije bilo poginulih lica.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
ZA MJESEC JANUAR 2020./19. GODINA

	JANUAR 2020	JANUAR 2019	+ , - , %
UKUPNO SAOBRAĆAJNIH NEZGODA	774	722	+ 52 ili 7,2 %
Saobraćajne nezgode sa nastradalim licima	59	52	+ 7 ili 13,5 %
Saobraćajne nezgode sa materijalnom štetom	715	670	+ 45 ili 6,7 %
POGINULO LICA	0	0	-----
- vozači	0	0	-----
- putnici	0	0	-----
- pješaci	0	0	-----
POVRIJEĐENO LICA	79	71	+ 8 ili 11,3 %
- vozači	37	38	- 1 ili 2,6 %
- putnici	26	22	+ 4 ili 18,2 %
- pješaci	16	11	+ 5 ili 45,4 %

U naselju je registrovano 718 saobraćajna nezgoda (57 sa povrijeđenim licima i 661 sa materijalnom štetom), van naselja 56 nezgoda (dvije sa povrijeđenim licima i 54 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO  
U MJESECU JANUARU 2020. GODINE (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju		8	49	661	<b>718</b>		8	69
van naselja			2	54	<b>56</b>			2
<b>UKUPNO</b>		<b>8</b>	<b>51</b>	<b>715</b>	<b>774</b>		<b>8</b>	<b>71</b>

Prema kategoriji puta, najveći broj saobraćajnih nezgoda registrovan je:

- na ulicama u naselju – 500 nezgoda u kojima je 37 lica povrijeđeno (četiri teže i 33 lakše),
- na magistralnim putevima – 113 nezgoda u kojima je 14 lica lakše povrijeđeno,
- na regionalnim putevima – 56 (šest lica povrijeđeno, jedno teže i pet lakše),
- na lokalnim putevima – 19 (dva lica lakše povrijeđena),
- na putevima koji se ubrajaju u kategoriju ostalih – 86 saobraćajnih nezgoda (20 lica povrijeđeno, tri teže i 17 lakše).

POSLJEDICE SAOBRAĆAJNIH NEZGODA

Tokom mjeseca januara 2020. godine, u saobraćajnim nezgodama na području Kantona Sarajevo povrijeđeno je ukupno 79 lica (osam ili 11,3 % više), od čega osam teže i 71. lakše.

STEPEN POVREDA UČESNIKA U SAOBRAĆAJNIM NEZGODAMA

- Vozači :  
37 vozača je povrijeđeno: jedan teže i 36 lakše
- Putnici:  
26 putnika je povrijeđeno: tri teže i 23 lakše
- Pješaci:



16 pješaka je povrijeđeno: četiri teže i 12 lakše

**Starosna dob nastradalih lica** u saobraćajnim nezgodama je slijedeća:

- ispod 6 godina – jedno lice,
- od 6 do 17 godina – osam,
- od 18 do 24 godine – 13,
- od 25 do 30 godina – 11,
- od 31 do 40 godina – 12,
- od 41 do 50 godina – 14,
- od 51 do 65 godina – 10,
- 66 i više godina – pet,
- nepoznata starosna dob – pet lica.

**Starosna dob nastradalih vozača** u saobraćajnim nezgodama je slijedeća:

- od 18 do 30 godina – 15 lica,
- od 30 do 40 godina – šest,
- od 40 do 50 godina – devet,
- od 50 do 60 – četiri,
- 60 i više godina – tri lica.

#### UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 608 (54 lica povrijeđena, četiri teže i 50 lakše),
- neprilagođena brzina – 163 (23 lica povrijeđena, tri teže i 20 lakše),
- uticaj alkohola – tri (dva lica povrijeđena, jedno teže i jedno lakše).

#### AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca januara 2019. godine, policijski službenici Uprave policije MUP-a Kantona Sarajevo kontrolisali su:

- 20.476 vozila i vozača (631 više),
- 4.771 lice u vozilima (osam manje),
- pregledali 200 vozila (17 manje) i 197 lica u vozilima (tri više).

Zbog tehničke neispravnosti iz saobraćaja je isključeno 68 vozila (14 više), 334 vozača su zatečena da upravljaju vozilom pod dejstvom alkohola (102 više), 617 bez korištenja sigurnosnog pojasa (321 više), 193 bez položenog vozačkog ispita (81 više), 82 pod izrečenom zaštitnom mjerom (42 više), 389 vozača je zatečeno da koriste mobitel tokom vožnje (57 više) i 1.217 vozila koja su učestvovala u saobraćaju bez važeće registracije (563 više).

Zbog kršenja propisa iz oblasti sigurnosti saobraćaja uručena je 21.287 prekršajnih naloga vozačima (3.503 ili 19,7 % više u odnosu na mjesec januar prošle godine) i podneseno 287 zahtjeva za pokretanje prekršajnog postupka (252 ili 720 % više).

#### MIRUJUĆI SAOBRAĆAJ I KONTROLA PJEŠAKA

Tokom mjeseca januara 2020. godine kontinuirano su se provodile aktivnosti u pogledu saobraćaja u mirovanju i kontrole kretanja pješaka. Protiv vozača koji su vozila nedozvoljeno parkirali na javnim površinama, uručeno je 7.607 prekršajnih naloga (180 manje), upozoreno 267 vozača (12 više), a specijalnim vozilom “pauk” premješteno je 401 vozilo (263 više). Takođe, pješacima koji su kršili propise uručeno je 238 prekršajnih naloga (66 više), a upozoreno je 58 pješaka (21 više).

#### **4. ZAKONITOST U RADU**

Tokom mjeseca januara 2020. godine, registrovana su dva pojedinačna napada (jedan više) na policijske službenike. U napadima su učestvovala dva punoljetna lica koja su lišena slobode.

Policijski službenici Uprave policije su u mjesecu januaru 2020. godine u šest slučajeva opravdano upotrijebili silu (četiri više).

Tokom izvještajnog mjeseca, razmatrane su 24 predstavke na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za pet predavki (šest manje) provede unutrašnja istraga, za 12 predavki je odlučeno da se izvrše provjere i prikupi dokumentacija, za šest da su neosnovane, dok je u jednom slučaju predavka pripojena vec otvorenoj unutrašnjoj istrazi.

Od ukupno 24 razmatrane predavke, 18 je podneseno od strane građana, a šest predavki predavljaju saznanja iz službe.

Okončano je 15 unutrašnjih istraga, među kojima je pet bilo bez dovoljno dokaza, u četiri slučajja istrage su osnovane, u četiri neosnovane, u jednom slučaju stranka je odustala od žalbe, dok je u jednom slučaju istraga okončana ocjenom oslobađajuća.

#### **RAD POLICIJE U ZAJEDNICI**

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Obavljajući svoje redovne aktivnosti službenici policije su vršili obilaskе mjesnih zajednica, obrazovnih institucija, dječijih vrtića, zatim ostvarivali kontakte sa socijalnim radnicima, građanima, vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

Policijci u zajednici Uprave policije MUP-a Kantona Sarajevo su ostvarivali brojne kontakte sa građanima romske populacije i migrantima, čime su preventivno djelovali na pojavu narušavanja javnog reda i mira prosjačenjem kao i činjenja krivičnih djela krađa i „drskih“ krađa, a koje često proizilaze iz istog.

U mjesecu januaru 2020. godine realizovane su slijedeće aktivnosti: U sklopu projekta „Ambasadori prevencije ovisnosti“ u prostorijama hotela „Holiday“ održana je radionica kojoj je prisustvovalo 20 učenika srednjih škola i 30 stručnih lica iz institucija i organizacija sa područja Kantona Sarajevo, a čija je osnovna djelatnost obrazovanje, socijalna zaštita i sigurnost.

- Nastavljene su aktivnosti na realizacije projekta "Jačanja tužilačkih kapaciteta u sistemu krivičnog pravosuđa u BiH"; kroz edukativnu radionicu pod nazivom "Lopov bude uvijek otkriven" u osnovnim školama na području općine Novo Sarajevo u cilju prevencije vršenja krivičnih djela. Ovom programu edukacije prisustvovalo je 130 učenika.

- Nastavljena je realizacija projekta „Uklanjanje grafita-Zona bez grafita" na području općine Stari Grad.

## **MIGRANTI**

Na osnovu Izvještaja Operativnog tima za pitanja migranata, a prema podacima IOM-a na području Kantona Sarajevo u prihvatnim i imigracionim centrima boravi cca 1.476 migranata.

U mjesecu januaru 2020. godine migranti su učestovali u devet devet događaja sa obilježjem krivičnog djela i to:

- ubistvo u pokušaju – jedan,
- bludne radnje – jedan,
- krađa – tri,
- teška krađa – jedan,
- razbojništvo – dva i
- oštećenje tuđe stvari – jedan događaj.

Tokom mjeseca januara 2020. godine, službenici policije kontrolisali su 455 migranata, od čega 169 nije posjedovalo registrovani obrazac, 77 je upućeno službi za poslove sa strancima radi registracije, 73 su predati službi za poslove sa strancima, 208 migranata je smješteno u imigracione centre i nad sedam migranata izvršena je kriminalističko-tehnička obrada.

Provodeći operativno-taktičke mjere i radnje, kao i akcije (ukupno 31 akcija) na području Kantona Sarajevo, u mjesecu januaru 2020. godine, policijski službenici su pronašli 188 migranta.

Kad su u pitanju pritužbe na ponašanje migranata, od ukupno 84 evidentirane pritužbe, 15 je zbog događaja sa obilježjem krivičnog djela, 13 zbog narušavanja javnog reda i mira, 23 zbog okupljanja i 33 ostalih pritužbi.

**Sarajevo, 10.02.2020. godine**

**Odjeljenje za odnose s javnošću**

